

學禮除考官沈懋孝鐫一級調外

甲申賑臨洮鞏昌

丁亥大學士許國考滿進柱國少傅兼太子太傅歷國子生  
汝陽王府鎮國中尉朝璣弒母賜死

九月壬辰朔大學士王家屏憂去

南提學御史房寰疏辨彭遵古等仍詆海瑞 上不問

許江南嘉定折漕三年以地不產米也

辛卯以安南都統使莫茂洽求下雷歸順各州地相安非一  
見妄瀆天聽不許其已歸百二十餘村又龍邦龍蒲二村民

類夷習豈來派古二村地近石林再議分給俾各遵守從之

乙未尚寶司卿施策請申飭巡直官赴司領牌畫字從之否  
則指叅

丙申脩天壇

丁酉吏部尚書楊巍再乞休不允

戊戌申時行等請補閣員不允


癸卯右春坊右庶子兼侍讀趙用賢侍讀盛訥主武場

甲辰以開封彰德河南南陽并汝州漕糧三十一萬石全折  
一年蘇被災之民

國權

萬曆十四年

二十三



丙午右春坊右中允習孔教為右南春坊右諭德署翰林院掌事

山東貢士凌守約許成名冒籍除名

予故延綏總兵官賈國忠祭塋

庚戌應天府丞杜友蘭為南光祿寺卿

定軍人犯徒流罪並免刺字但以盜論

貴州宣慰使安國亨進大木求封誥加銜賜服色命工部按

例賜大紅飛魚衣一襲金一鎰

辛亥南太僕寺卿沈思孝奏救進士彭遵古等求復冠帶極

言房裏貪穢不允

十壬午山東按察副使詹仰庇為南太僕少卿

戶部左侍郎張國彥言蘇杭之織幣江南之陶器與公主之

廣求珠寶此三事或者與漢王百金之費相類乎乞暫停之

有旨段匹磁器前已寬減

命武舉取百人不為例


乙卯免直隸完縣唐縣馬價

巡按廣西御史蔡系周奏廣西僻遠遵例冬至三日前審決而奉旨停刑以冬至後四日至于事無及乞明年停刑章下

國權

萬曆十四年

三



所司

戊午歲上不豫免朝講

己未選戶部司官五人賁帑金三十九萬分賑各省固原六

萬甘肅延綏各三萬山西六萬遼東真順廣大河南各五

萬淮揚鳳陽山東各三萬

貴州威清衛雨雹傷稼

戶部進金珠寶石雜料共費七萬八千六百三十五金

十月甲子侍讀盛訥為司業

乙丑土魯番入貢

壬丙子祭酒李長春進刊論語注疏

己卯巡撫福建沈人种病癩致任

泰山碧霞宮香客蹂死六十一人

庚辰推官楊其休李廷謨朱朝弼吳之鵬知縣萬自約許弘

綱凌登瀛和虞吳之佳郭顯忠洪有復朱維藩杜縻徐桓

太常博士侯先春為給事中維藩縻桓俱南京

辛巳推官郭萬里秦大夔彭而珩左之宜知縣張鳴崗趙士


登文德王象蒙許守思高舉李本固吳達可徐元傳霖甘士

价喬璧星鍾化民王慎德馮應鳳章邦翰陳維芝孫琬劉應

國權

萬歷十四年

三



龍史旌賢韓介韓可成江有源陳邦科黃仁榮中書舍人陳  
禹謨林文英行人賈希夷各為試御史可成而珩有源邦科  
仁榮俱南京又庶吉士楊鳳禮科給事中  
壬午右僉都御史賈待問為左副都御史巡撫福建  
兵部松詒言劉綖羅雄之功賜金二鎰許後用  
十一月辛卯朔予故南京兵部尚書劉堯誨祭葬  
壬辰南兵部尚書郭應聘卒福建莆田人嘉靖庚戌進士  
癸巳光祿寺卿魏時亮為左僉都御史  
旌吉王翊鑾孝友賑恤

冒籍貢士武維謙除名

戊戌前光祿寺卿孫鑑起原官

壬寅上宿南郊齋宮

癸卯郊還御皇極殿受賀

李如楨為錦衣衛南鎮撫司僉書

戊申吏部署員外郎顧憲成奏辦所囑託房寰 上不問

庚戌前禮部尚書萬士和卒字 江南宜興人嘉靖辛丑


進士由 歷令官贈太子少保謚文恭

辛亥太常寺丞董弘業郊祀時弘業趨事佩勾昂耳不得脫

國權

萬歷十四年

三五



上立待久之又替禮官聲不續各停俸六月

癸丑安徽潁州兵備僉事李弘道陝西行太僕少卿兼按察  
僉事邢侗俱致仕

命順天府尹禱雪

丁巳提督織造司禮太監孫隆言今春夏多雨所貯段匹多  
變色乞憫貧匠照例解進命以堪用者上

已未巡撫大同胡來貢請改祀北嶽于渾源州禮部言漢唐  
宋北岳之祭俱在定州曲陽至渾源之稱北岳止見于州志  
碑于經傳亡考請如弘治中例量脩渾源廟從之

戊午巡撫貴州舒應龍為南大理寺卿

十二月辛酉朔吏科左給中張養蒙言近陞錦衣衛僉書都指  
揮同知羅秀本太監滕祥蒼頭往年營求兵部尚書王遴不  
遂申整而去今竟得之物議紛乞加褫斥仍諭本兵張佳  
胤勿以簞簞損名命免羅秀


壬戌沁源王堤墀長子致鐸有罪廢為庶人奪王祿三之一  
甲子御史朱應穀言錦衣立枷之惜乞開所犯數則題請為  
例餘勿槩用不聽

丙寅四川巡撫徐元泰封建昌桐槽黑骨諸夷各有斬獲又

國權

萬曆十四年

二六



議封討印部叛夷賦乃

瞿九思曰牂牁犛犛漢所為西南夷也慄禁故已甚今尚如是如是臣又聞瀘水多烟瘴夏秋不可渡輒能殺人孔明竟以五月而渡壯哉建越幸大捷自冬徂秋大將軍之刀鋸日敵倘方孔明而興者乎臣獨慮宰羅缺口之夷強合未滅他日西三邊有患豈此間耶然臣不敢道也

丁卯予故南戶部尚書黃光昇祭墓字

江西晉江人嘉

靖巳丑進士由知縣擢給事中歷廣東按察布政以定安南

平徭黎新會賊之功進右副都御史巡撫四川又採木進兵

部右侍郎摠制川廣貴州勦叛苗賜金綺召入工部尋拜南

工部尚書已入刑部告老起南戶部在道以稽命罷贈太子

少保謚恭肅

壬申南大理寺卿李汶終養

甲戌發臨清德州二倉米于大名為明春煮粥賑飢也

丙子兵部尚書張佳胤致仕以屢被劾乞休始允之


壬午召前吏部尚書嚴清署兵部辭不至

癸未摠督陝西部光先言宣大虜酋麥力哥把鬼等來由川底西陞人馬俱困前來肅州求市賞亦有挾而然曰議其不

國權

萬歷十四年

二十七



後將三虜鳥示倘悔罪姑予之薄賞報可

予故南兵部尚書戴才祭塋

甲申禮部上宗藩條例

予故右都御史兼兵部左侍郎何棟祭塋

丁亥潞府講官董樾等九年考滿進脩撰仍兼檢討郭文燦

進主事

襪早遣告南郊

己丑吏部左侍郎兼侍讀學士周子義卒字 江南無錫

人嘉靖間進士由庶吉士歷今官予祭塋贈尚書謚文恪

東昌王登伺官吏迎春謀劫庫事泄伏誅

先是安南清華道人鄭檢自稱故王黎氏後引兵侵莫茂洽

已檢死子松攻 城茂洽出奔

瞿九思曰傳稱一姓不再興而况于篡弑得之者乎丁陳

黎三氏干戈遞尋卒 無須更安枕也信哉 文皇帝始

何嘗不憐陳氏後然季犛之慘耗矣犁其庭而郡縣之及

章皇帝得黎氏後安南復王矣厥後後黎利莫氏篡之終


焉都統使豈亦非陳氏弗王乎由此觀之帝王自有真豈

人力也哉

國權

萬歷十四年


二天



是年榆林套虜莊首擁衆過西環海上名掠番族因求樺林  
 川駐牧遂擾西寧闖榆林趨水塘環水塘皆番也莊首屢寇  
 邊  

 是年榆林套虜莊首擁衆過西環海上名掠番族因求樺林  
 川駐牧遂擾西寧闖榆林趨水塘環水塘皆番也莊首屢寇  
 邊  
 大是受命前年並入獲無自蘇知王暴大對民兵討莫敢合  
 東昌王登臨望文或春福時戰事始於程程物書識文格

國家圖書館, NATIONAL CENTRAL LIBRARY, TAIWAN, R.O.C.





國權

萬曆十五年丁亥

鹽官設票 孺木著

正月壬辰發帑金賑陝西河南山西山東先是懷仁王府奉國

將軍克燧奏各宗窘狀 上惻然久之戶部因以各省歲大

侵如懷仁府槩給

戶部給事中李廷謨請飭河西邊備章下所司

甲午諭兵部非世弁武舉不許領勅行事及蒙陞咨用


丁酉 上享太廟午刻西南有雷聲夜火星逆行入太微垣

國權

萬曆十五年

一

國家圖書館, NATIONAL CENTRAL LIBRARY, TAIWAN, R.O.C.



軫宿

己亥申明門禁武臣三品以上文臣四品以上入朝僉四人  
五品以上三人六品以上二人衛官一人非繫印牌毋入  
庚子羅應鶴崔廷試為大理寺左右少卿  
禁左道妖教

辛丑兵部請大閱

甲辰申時行等上重脩大明會典二百二十八卷

乙巳考察朝臣謫降一百九十五人甲榜三十二人見秩僅  
十人不及詞林臺省

丁未閣臣諫請立東宮及皇

封王 上嘉納之即日祭

告南北郊社稷神祇


戊申命吏部都察院京察急于旬內以杜浮議從吏科陳與  
郊之請

御史梅鷟祚言兵部宜久任而後責成功毋旁撓而後能久  
任尚書王遴以不用羅秀去科臣張養蒙彈尚書張佳胤以  
用羅秀也羅秀善音樂有投刺之求今宜禁私竇 上曰王  
遴前捏留御批言官交劾朕念大臣優禮致仕言官又稱之  
何無定論也奪俸四月

國權

萬曆十五年

二



壬子禮科都給事中王三餘御史何倬鍾化民王慎德各奏

建儲不報閣臣請建儲封王命候旨行

癸丑訛傳 上午朝百官奔赴中官亦移御座于午門 上

責鴻臚寺官及朝臣等罰俸三月

謚遼府沅陵王致概曰恭僖

工科右給事中張棟請禁私揭報可

丙辰鞏昌天鼓鳴

雲南建昌土酋伍咀咱窺我出兵乘間掠西溪尋官兵追獲  
之餘羗降者千人官兵移 槽黑骨諸夷

二月壬戌陽武地震

亥夜陝西靜綏等城各堡獸脊旂上俱見火光扑以提亦  
生火中夜方息

予故巡視浙閩都御史朱紉故兵部右侍郎王忬祭葬忬祭

二紉祭一減葬

工部右侍郎曾同亨提督工程

兵科給事中和震言安民弭盜其要在六宣德意飭武備責


職守禁窩藏慎捕緝銷巨盜 上是之

兵科給事中顧九思等言今日河西駐套數十種竊據其中

國權

萬歷十五年

三



又東虜數十萬環其外餉薄兵疲虜日驕我日挫臣謂各  
鎮自撫河西自戰亡論駐虜流虜但掠內地即使勤逐在議  
將議餉議番族議賞罰部覆從之  
司設監火

左通政周邦傑調順天府京丞劉光國外時自陳也

設松潘南路黃沙堤守戍五百人

丁卯夜火星逆行翼宿

必辰刑科給事中萬自約言天下郡縣公費可汰內臣掌各  
監局令增五萬餘人他如其傳陞工匠影射御用監諸造


作之費不貲能節省數千金其為千家巨產矣有旨內負

原無增設旗校正役前已清減該部知之

禮部言舉子文好用佛經道藏今硃卷犯者叅處從之

庚子南祭酒趙志臯為少詹事

工部尚書何起鳴被劾自免起鳴謂出左都御史辛自脩意  
遂訐奏時科道劾起鳴及兵部左侍郎辛應乾禮部左侍郎  
陳思育南工部右侍郎方九功兵部右侍郎李松大同巡撫  
胡來貢陝西巡撫韓必顯太常少卿池浴德左通政陳學曾  
添註太僕少卿許應達張譽大理右寺正詹全覺刑部郎中



張正鵠下吏部甄別惟留起鳴應乾

戶部左侍郎張國彥提督倉場太常少卿蕭彥為右僉都御史巡撫貴州兼理湖北川東等處軍務

始令都司用隔省署事指揮鎮撫等用隔衛從御史史旌美之言

壬申福建歐寧建寧二縣火

編脩楊德政為福建布政司左叅議

甲戌 上偶不豫

乙亥夜月食

淮揚饑借蘇州漕米四萬

耀

戶部右侍郎楊俊民為左侍郎右庶子趙用賢為南祭酒

巡撫廣西吳善為南工部右侍郎陝西右布政使林喬為右

僉都御史巡撫大同

議脩高家堰築范家口疏草灣

庚辰湯之誥嗣靈璧侯

提督操江南右僉都御史滕伯輪為右副都御史巡撫浙江


巡撫宣府兵部右侍郎蕭大亨協理京營戎政

工科給事中郭顯惠言救荒之策酌起解弛鹽禁議罪贖部

國權

萬歷十五年

五



癸未詔責科道官紛々攻擊予奪進退皆不由上今何起鳴  
已去爾科道灼見何人堪任不許推諉

乙酉右副都御史許守謙巡撫宣府督理軍務順天府尹王  
用汲為南右都副御史提督操江四川左布政使劉繼文為  
右副都御史巡撫廣西

丙戌太僕寺卿周繼為順天府尹

戊子詔撫按官責成有司力行荒政不時舉劾從御史林文  
英之請

免淮揚漕租四萬二千四百九十四石銀一萬九千五百十

二金

庚吉士范醇敬為簡討

山西布右政使沈子木為右副都御史提督鴈門等關兼巡  
撫山西

三月庚寅朔左都御史辛自脩罷自脩出特簡以申時行忤之  
故與何起鳴並罷


原武縣地震有聲暮復震

辛卯御史高維崧趙世卿張鳴崗左之宜以攻何起鳴謫維  
崧福建按察司經歷世卿汝州判官鳴崗廣德州判官之宜

國權

萬曆十五年

六



澤州判官吏科都給事中楊廷相等求宥奪廷相俸二月

壬辰開封彰德衛輝懷慶地震

癸巳大理寺少卿羅應鶴為太僕寺卿崔廷試李尚思為大理寺左右少卿

戊戌兵部左侍郎石星為工部尚書吏部右侍郎吳時來為左都御史

己亥戶部左侍郎楊俊民改兵部左侍郎工部右侍郎趙煥以吏部

司禮太監張誠閱視京闕司禮太監黃勳提督太和山兼分


守行都司

廣東番禺人盧廷蛟言十八事放歸

平涼天鼓鳴

己亥吏科左給事中張養蒙申救高維崧等奪俸三月

壬寅 上視朝召輔臣于煖閣欲重譴吏部署員外郎顧慶成刑部主事王德新輔臣稍為解憲成謫桂陽州判官德新除名先是憲成言起何鳴訐辛自脩刺及輔臣以智角智以力角力釋仁義道德之用執拙巧于毫毛非今日所宜也今非科道而言事必曰出位好名否則曰是多行不韙計畫無



聊借以迹察或誠有之然使人出位而言者臺省為之也王  
德新言以何起鳴而罪各御史則御史行且不敢言矣萬一  
言乘輿言宮闈言宮監更何法治之此必有左右蠱 陛者  
上怒令下鎮撫司鞫其由令吏部尚書楊魏戒司官守分毋  
妄言

癸卯大風霾

禮部覆禮科給事中侯先春言歷法當改義倉當置略曰洪  
武迄今二百二十年未嘗更歷年遠數盈天度漸差邇者月  
食在酉而曰戌月食將既而曰未九分矣即一交食而氣

朔餘閏躔離朏朏之類盡屬差舛可詔天下博訪明歷者且  
該監有回、歷其推年月交食及五星躋犯最精細曩月食  
時刻分秒並不差祇以原非大統歷法遂置不用臣以授時  
歷可採回、歷亦可採取其能合天度如果脗合即採入大  
統歷中以成一代之制云、 上是之

甲辰大理寺卿孫丕揚為戶部右侍郎溫純為左侍郎右副  
都御史李輔為工部右侍郎


乙巳少詹事趙志臯纂脩玉牒

戊申巡撫保定賈三近為大理寺卿左僉都御史魏時亮為

國權

萬曆十五年

八





左副都御史

庚戌禮部覆左僉都御史魏時亮所奏勤召對以運樞機資  
誦讀以培聖德云云有旨凡有條奏事關朕躬者已奏旨不  
必覆

禮科給事中凌登瀛上言三日而朝暇日尚多早朝而退暇  
時尚多竊恐侍御奔走聲色佚豫有以間之 皇上大婚中  
餘年矣蠶斯之慶未蕃或者愛有所專而情有所有不節也  
曷不御文華取諸司章奏閱之令諸臣商確再日議定遂一  
批答暇則召儒臣設經史考古文優游涵泳事畢入宮則上

下同心未必不如內廷之快意也 上納之

辛亥南太僕少卿詹仰庇為左僉都御史巡撫遼東右僉都  
御史張西銘巡撫保定

壬子戶部覆兩浙巡鹽御史李天麟請開金塘大樹等山以  
盡地利謂先因倭患遂成荒蕪經同知陳文文田三萬六千  
餘畝山四萬七千餘畝令定海人開墾待三年賦之又草鹽  
捕以鋤民患俱從之


癸丑兵部左侍郎楊俊明兼管軍職貼黃

乙卯尚寶少卿李楨為正卿

國權

萬曆十五年

九



虜捨力克襲順義王晁鬼台吉并不他失俱授龍虎將軍虜

王妻封忠順夫人仍賚金幣有差

丁巳勅旌魯陽王勤灰 王睦樞等輸穀賑荒

工部請暫停蘇杭織造不允

夜平涼天鼓鳴有大星墜其光如電

四月庚申朔提督薊遼軍務右都御史兼兵部右侍郎王一鶚

為兵部尚書

乙亥廷臣失朝四百四十三人各奪俸三月

回 賊流劫靈臺麟游等縣

丙子禮部郎中余寅為陝西按察司提學副使

丁巳謚周府浦江王勤燦曰康惠

己卯戶部言山西連荒預備倉積穀甚多其賑粥多取于社

倉有益于民或郡縣所無者可添設或紙贖糴買或勸借富

民春放秋收 上從之

庚辰夜火星順行太微犯右執法


辛巳紫陽王誼漣進封秦王幹珪封岷世子幹坤常寧王埕

堦內邱王常坎成阜王朗鑄襄陵王代府鎮國將軍萬坎進

封和川王廷埒潞城王

國權 萬曆十五年

十



壬午免山東灶戶虧課又賑之

甲申予故太子太保兵部尚書楊兆祭墓贈太保  
脩撰張元忭為左春坊左諭德清理貼黃

丙戌賑出東各王府貧宗每人十二金

丁亥工部議疏江南寶應至廣洋射陽與高郵江都各路人  
海文河

戊子復命百官禱雨

廣西梧州叅將吳仲閱大峒軍捷哨官梁鳳兵大譁兵巡道  
來經濟慰解之後調伸誅悍卒五人

貴州普定衛豕生二首二尾八足

五月庚寅朔喜峪口大雨雹傷稼

禮科都給事中王三餘以災異請慎起居以防嗜欲御經筵  
以資起沃減內廷光祿之供省東南織造之煩勤召對之典  
下求士之詔 上是之

癸巳存問前禮部尚書陸樹聲

喜峰口大雨雹厚尺許傷稼


甲午時京師大疫施藥

浙直大水

國權

萬曆十五年

七



協理戎政兵部左侍郎蕭大亨回部

乙未前萬泉知縣符嘉訓永寧知州李鈇以貪敗遣戍

禮部覆南御史陳邦科論舉子鄉會三場勻稱方許中式如

如後場該博初場雖平必前後示勸 上然之

予故巡撫大同申佐祭葬

勞堪成邊先是洪毓章奏上命錦衣衛杖堪八十除名至是

又重論

六月己未朔戶部題漕軍二七行糧給本官如遇盤剝要呈明  
督運叅政或管理河閘倉鈔部屬及兵備等官批照方支此

天津以南事也天津以北設有官剝船等脚價隨地遠近以

為多寡載在議單運官不得另雇民舡以滋浮費自桃花淺

至王家渡等處俱呈請鈔關主事自李二堤至西堤俱呈請

通州管糧郎中不許奸旗賣私貨以圖盡剝報可

庚申戶科右給事中胡汝寧言京師二大害曰知縣差役傾

破民家曰貴戚舖行侵奪民利 上然之即行戒飭

辛酉夜雨雹


癸亥予故應天府尹方良曙祭葬

皇妹 封延慶長公主駙馬都尉王昺尚之

國權

萬曆十五年

十二



前文學士呂本卒字汝立浙江餘姚人舊李姓嘉靖十一年  
進士授檢討歷祭酒以少詹事兼學士直文淵閣已直西苑  
自吏部左侍郎兼東閣大學士歷少傅武英殿大學士後乞  
歸復呂姓年八十四予祭葬贈太傅謚文安以好和不爭之  
義值嚴嵩當國惟狗其指嘗攝吏部差次九列物議嗤之後  
奪謚

乙丑夜月犯火星在軫宿

丙寅平陸天鼓鳴平陽書隕星

工科給事中

請減織造

上不憚閣臣言萬歷四年有

旨減三分之一七年有旨減半惟 皇上深思邦本弘惠下  
之仁 上令仍原減三分之一

南兵部尚書李世達改刑部尚書

丁卯命中外官凡宮室輿馬衣服冠婚喪祭之禮各遵制毋  
踰僭從之

夜山東平陰有大星如火光隕西北聲如雷


己巳南工部尚書陰武卿為南兵部尚書

工部題承運庫太監稱上供服飾等件及官旗夷人等項段  
匹各色紵絲紗羅綾紬錦布共十二萬七千三百十五匹按

國權

萬歷十五年

十三



萬歷七年至十年不過十萬七千餘匹奉旨戒勿再派已一  
萬八千餘匹萬歷十一年至十四年歲欠二萬六千餘匹今  
該前日約費一百六十餘萬今後以十二萬餘匹費何所出  
與其新派而難完不若徵舊之為便遂命減三分之一

庚脩午慶雲宮

癸酉提督兩廣吳文華為南工部尚書

甲戌永安王府奉國中尉華墩卒亡子婦許氏奉姑樊氏十  
三年樊病瘵疾歲餘親為舐瘵侍藥朝夕不怠至是姑沒觸  
棺自縊以救免竟七日不食死事聞旌貞烈

命臨清河西務許暨九江淮揚北新等各關稅自今年九月

始本折兼收折色輸太倉本色輸廣惠庫


丙子南工部右侍郎吳善為兵部右侍郎提督兩廣兼巡撫  
廣東

庚辰朝鮮國王李昖以前陪臣在會同館失火奏謝賜蟒服  
一幣四

癸未祭酒李長春為南工部右侍郎

丙戌左春坊左諭德兼侍講田一儁為祭酒

丁亥大風雨壞民居時又飢命順天尹給貧戶米五斗銀五



錢歷死者每口倍之傷者米七斗銀七錢

七月戊子朔命湖南行廣西監聽廣西巡撫覈之

乙未周府海陽王狂男子朝唯詣闕上十事訛字澁白以意  
會之曰門限欲定房制也曰除民行欲禁官價也曰審正軍  
欲革頂替也曰清軍地欲防盜賣也曰治鹽法欲禁私販也  
曰清仕路欲杜賄賂之禁也曰添王官欲設甲科長史也曰  
藏元經欲禁無為教也曰除限稿欲無減宗祿也曰取寬王  
欲脫宗室睦極于非罪也得旨奏內有可取者該部議上部  
覆惟取寬王添王官不行

大同地震

虜寇遼東鎮夷堡

丙申南兵部尚書傅希摯改兵部尚書協理京營戎政

戶部右侍郎孫丕揚奏黃河飢民食草木陝西富民蒲城同  
官諸縣至食土石臣恭進二斤伏候聖覽今海內困于加派  
乞酌定歲用刊為經國之書清難裁之冗息難支之民天下  
幸甚 上因停先年不時徵取命求理財裕之計


開封及陝州靈寶等州縣大雨河決漂没人畜亡筭

丁酉夜大風雨通州各堤漂損漕米八千一百七十三石

國權

萬曆十五年

五



庚子廣西巡按御史蔡系周陳鹽法七事均市價議舛戶時  
收散清支給明地方謹河道專職守其明地方曰廣西官鹽  
止行湖南 上命湖南行鹽聽廣西巡按查理載之勅餘依  
議行

故兵部右侍郎蕭廩贈尚書予祭葬

丙午南右都御史袁洪愈為南吏部尚書

戊申江南河南大雨水陝西旱

辛酉降刑部員外郎李懋脩為湖廣按察使經歷主事劉  
志選為福寧州添註判官先是懋脩言九事曰保聖躬安宮

闈 皇貴妃以皇子得封乃恭妃誕育元子異日為國母而  
位次貴妃下臣知皇貴妃必不安也宜益封恭妃恭妃安則  
國本安皇貴妃亦安矣曰節內供曰御近習曰開言路曰賑  
蠲曰慎刑罰曰舉刺曰制限田疏入不報而禮科給事中邵  
庶因誠意伯劉世延條陳請禁各官非言責者毋輒妄言且  
欲堂官戒其屬懋脩駁其非 上怒鐫一級科道申救不允  
劉志選疏救 上益怒並謫


乙卯前南工部尚書陸光祖為刑部尚書

丁巳蠲折江南災租有差量免河東巡鹽贖緩十金

國權

萬曆十五年

十六





建昌桐槽越雋黑骨等夷平共斬獲二千八十六人

八月戊午朔雲南左布政使張楚城致仕加太僕寺卿

吏部推太平推官蔡時昂為南刑部主事不許時昂終于任

貧不能塋昂福建漳浦人萬歷甲戌進士

勅旌趙王常清孝行

庚申諭吏部都察院曰南北水旱災沴頻仍百姓何辜罹此

酷罰朕心憫焉守令為民父母宣達下情乃貧墨之吏剝下

罔上肥已瘠民或軟款廢業榮耀博名侈用傷財阿承取悅

朝廷蠲賑惠不及民其斷獄情每多冤抑傷和致災皆由于

此今後選擇守令毋用匪人毋縱不職仍勅撫按官懲貪理

冤糾察所屬

己未南太僕寺丞楊時喬為尚寶司丞

壬戌禁有司交際

甲子河南鎮平人趙臣妻白氏訴豪民訾國久斃其夫男

上命逮之左都御史吳時來乞下撫按上命撫按訊畢解

入京


丙寅詔免河南被災今年站銀

命勲臣襲爵未任事者摠協教習騎射策論應襲者授勲衛

國權

萬歷十五年

十七



原薦授勳衛者一體酌用

丁卯順義王捨力鬼貢馬謝封餽輔臣本兵各馬一命受之  
命禮部同詞臣選刻舊墨百餘篇以戒多士

保定總世臣兵官陶世臣劾免

己巳夜月食

丁丑夜月犯畢宿木星

戊寅 上命巡邊御史出巡務遵憲綱行事從左都御史詹  
仰庇之言

庚辰薊遼副總兵楊紹勳為總兵官鎮守保定鎮守宣府總

兵官董一元改鎮薊州永平山海關

辛巳前薊鎮總兵官張臣為左軍都督府僉書

夜福建、陽縣火

壬午庶吉士舒弘緒為禮科給事中

提督京城巡捕營李如松為鎮朔將軍總兵官鎮守宣府

九月丁亥朔日食雲陰不見

己丑汝州判官趙卿為太僕寺丞


諭停刑

山西蒲解安邑等地震如雷

國權

萬曆十五年

大



左軍都督府僉書都督僉事史綱提督京城巡捕營

南御史陳邦科言採荒五事酌議折允通行借留嚴禁過糴  
核定分賑破格蠲免從之

辛卯左副都御史魏時亮言督撫轉移全在舉劾道府官宜  
歲一行部親查賢否從之

壬辰誅河南宗室勤旭以殺母及父妾也

戊午永昌涼州衛地震天鳴

丁未戶部覆左副都御史魏時亮所上七事曰築濬曰義倉  
曰生養曰賦役曰刑獄曰科罰曰善俗一盜賊撫按每歲終

開冊上院部該科三年大計即以七事脩廢為殿最從之

戊申東甌王府鎮國將軍觀熒以誣讎親王廢為庶人

癸丑巡撫遼東顧養謙劾開原道兵備叅政王緘劉撫北關  
之失請革猛骨字羅爵賞

乙卯 上偶不豫

十月庚申諭机密事不許抄泄


申時行等言諸司章奏停留踰旬或經月或二三月因循誤  
事乞即賜裁發不報

鄭陽兵詳撫治右僉都御史李材好講學改叅將署為書院

國權

萬曆十五年

十九



叅將朱萬春啜其卒圍噪几殺兵備副使丁惟寧守備王鳴  
鶴初至謁叅將甚謹力諭解之材避于襄陽

壬戌詔順天廣名大名災租蠲停有差

順義王捨力克等貢馬弓矢官其部落有差

甲子湖廣巡撫孫坤調南京右副都御史

丙寅命西安水利廳清軍道管理鳳翔漢中延安平涼臨洮  
鞏昌各守巡兵道各銜增兼筦水利各府清軍同知通判亦  
兼筦水利事務

免江西贖鍰一萬三千八百二十餘金

丁卯左都御史吳時來論律例未盡條件云、 上命同部  
寺議之

禮科給事中陳璧言卿貳大臣乞骸有四或高蹈遠引或度  
可知難揣情量力或憂讒畏譏宜甄別年力令休致以優老  
碩而全末路吏部尚書楊巍請諸臣自陳且乞先去 上以  
大臣進退出自朝廷各官經科道會薦何必又行甄別卿安  
心供職俱不必自陳


庚午前巡撫南贛汀漳邵陞起撫湖廣

工部上大工需爵事例

國權

萬曆十五年

辛



卒未南右都御史海瑞卒廣東瓊山人嘉靖

貢士署南

京教諭臺謁不跪知淳安縣愛民乳哺鹽法都御史鄔懋卿  
不能詘擢刑部主事直諫瀕死天下稱之隆慶初起官歷右  
僉都御史巡撫應天威名藉甚墨吏望風解綬以奪富民田  
府怨里居十餘年起南赴任倉院轉南吏部右侍郎進總憲  
決歲三遷所在疏剔弊垢毛舉細密期省約以裕民力然過  
則不能容人、有言其過者屢疏乞休 上心重之欲置之  
內臺申時行不快也右副都御史王用汲臨其喪目見葛帟  
敝筭為泣下醵金以殯金陵巷祭罷市王世貞謂其不畏死

不愛錢不立黨盡之矣予祭塋贈太子少保謚忠介


王弘誨曰海公者非唐所稱楊綰流耶方綰之相唐而大  
臣減聲樂勳貴徹駟從方拜命而轉化乃爾豈有聲音笑  
貌乎哉乃海公之砥節礪行而播紳又多遺議何也夫謂  
公意不可一世則可謂公無用于世則不可因其不可一  
世也而遂詆其不得用于世則又不可嗚呼行為國棟德  
足世儀惠以達名而遠利剛標高揭挽我叔季若海公  
者吾不得而見矣

何喬遠曰嘉靖之朝諫者三楊為盛其季則海瑞之上疏

國權

萬曆十五年

十一



時乎方為童子里巷皆言瑞名瑞巡撫江南大不滿吳中  
巨室之口王世貞為作直中丞詩而于孔兼為瑞請謚固  
吳人也蓋瑞意則善而江南刁狡要未易與為直耳  
黃秉石曰予時初束髮諸公群謁公于尾其後見公頎然  
而長玄頤豐下耳雙垂容藹可掬而青紗織金服前後襜  
如乃知危冠敝袍世人傳之過也時忽傳京師解一木妖  
神來就訊曰神在御園為祟 上歷舉諸大臣名皆不懼  
云至海瑞則無聲小說家傳宋包孝肅事多依託鬼神想  
此亦傳聞之類與

癸酉洗馬署司業盛訥為右春坊右庶子纂脩玉牒

四川雜谷安撫司都綱番僧板伽監藏等貢方物

乙亥命工科都給事中常居敬勘河時黃河漫流自開封

邱偃師及東明長垣多衝決申時行等言若今不治明年河

將北徙上流不下淮徐則運道可憂不可不亟圖也

浙江撫按乞停浙西織造工部覆留六年蘇松浙江事例銀

備費報可


丙子謚稷山王恬艸曰康和

四川臚乃苗假者黑骨夷種也與中鎮夷白祿連結為逆上

國權

萬歷十五年

三



川南道兵備副使武尚耕欲先誅白祿遣指揮李獻忠等取  
他道往敗沒巡撫徐元泰乃益兵分三道勦之中道最衝裨  
游擊周于德往尚耕監軍  
南巡視下江御史黃正色祖籍嘉籍與守禦千戶所舊隸蘇  
州衛令改避

戊寅吏科給事中張養蒙言部曹改科道非制也今雖奉旨  
而待取者多覬覦之心旁觀者起紛紜之議故改選不可不  
止也四川巡撫徐元泰核征賦乃一軍盡覆當力求賅制乃  
委罪三將違制與僉事鄭東昇等失謀故元泰不可不罪也

上是之罷改選元泰俟後論

庚辰前南刑部右侍郎王世貞為南兵部右侍郎南工部右  
侍郎李長春改南禮部右侍郎右通政周寀為右僉都御史  
巡撫福建

免盧鳳淮揚滁和田租

柏林占等番族人貢甲馬


檢討王祖嫡為司業

辛巳上林苑右監丞徐政言祖訓制書會典集禮大明律憲  
網諸書並無監官拜提督四署中官之例今韓印欲監丞及

國權

萬曆十五年

三



署官行拜禮臣不敢違國典以成僭踰之罪 上謂有成例  
奪琰俸二月

癸未南大理寺卿舒應龍為南工部右侍郎  
韓府休寧王朗鏐謚端惠

甲申遼東開原道兵備叅政王緘下鎮撫司給事中彭國  
光昊之佳御史田一麟各論救

免蘇松藥材牲口料銀

十一月丙戌朔免江南徐州泰興江都如臯儀真海門寶興化  
所逋工部料價又緩三河縣柴價一年

南太常寺卿沈玄華為南大理寺卿

戊子奪李材俸半年丁惟寧王鳴鶴各一年悍卒成三人兵  
科給事中陳璧言材薄罰遂免材官誅悍卒

己丑南光祿卿杜友蘭為南太常卿

辛卯令河道該筦五年內失事者巡撫奪俸三月道臣降俸  
一級


壬辰太僕少卿余懋學為南光祿卿

乙未諭刑部往嚴尚書曾遣人聽記今何不容若訊得其平  
聽記何畏時太常寺 論大興知縣王偕擅答樂舞生因

國權

萬曆十五年

三十四





下法司 上陰遣二校偵之聽記其語主事孫承榮謂非故  
事果密奏旨宜潛其跡 上聞而怒尚書李世達等謝罪奪  
司官俸二月刑科都給事中唐克欽御史郭萬里等俱諫聽  
記不允

丙申新建伯王承勳為南協同守備兼署後軍都督府事  
丁酉刑部左侍郎耿定向為南右都御史

庚子筦府軍前衛懷遠侯常胤緒為前軍都督府僉書

辛丑太常卿裴應章為右副都御史撫治鄖陽


壬寅太常少卿趙世卿為右通

癸卯刑部右侍郎陳瓚為左侍郎南吏部右侍郎何源為吏  
部左侍郎

甲辰順天府尹周繼為太常卿應天府尹石應岳改順天

戊申定國公徐文壁代祀南郊免贖

四川巡撫徐元泰討四部叛首膩乃假者進兵至官廖河賊  
迎戰以天全酉陽土司兵擊兵之而潛師自上流繞賊後賊  
驚潰斬白祿子阿則等逐北至冷溪河獲頭目阿擺賊退據  
馬蝗山我進奪其積粟賊復據大鷹岷固守欲老我師我除  
夕搗其虛斬白祿方大雪冒險以進賊大潰



甲寅復江西大庾縣儒學

十二月乙卯朔前南吏部尚書何寬卒

丙辰少詹事趙志皋為南吏部右侍郎大理左少卿張櫟為

應天府尹

辛巳南工部右侍郎舒應龍為戶部右侍郎兼右僉都御史

提督漕運

壬午以京師米貴預支軍匠明年銀米各五斗

是年冬龍虎將軍切盡台吉死


吉能侄

提督部先言其勤慎

垂死戒其婦妣吉善自保部眾毋忘朝廷命諭祭一壇


瞿九思曰以臣而觀九塞控弦之虜亡慮數十萬而切盡  
黃台吉獨以賢能聞豈非鉄中之錚、哉而說者謂其導  
俺答西行此不能無罪臣以為切盡好佛所上表章皆參  
以佛語非可以鞫羯虜比也假令俺答非道之好佛率其  
好殺之性受禍當何如哉善乎史臣之言曰毋為禍首往  
者由涼永山丹而西游者非切盡乃火落赤也顧說者察  
耳猶終而猶率其母妻無背國恩宜其稱之勿絕也

前南吏部尚書汪宗伊卒字于衡安徽婺源人嘉靖戊戌進  
士令淳梁擢文選主事避兄太僕卿歷武選郎中忤嚴嵩家



居十七年隆慶中起南吏部郎中遷尚寶卿累南右都御史  
改提督倉場戶部尚書三年改南吏部尚書  
是年安南黎維邦死鄭簡子松立其次子維潭居清華

國家圖書館, NATIONAL CENTRAL LIBRARY, TAIWAN, R.O.C.



國權

萬歷十六年戊子

正月乙酉朔大雷雨

甲午 上御皇極殿受賀

京師草廠火

潞王府成

癸卯戶部主事劉允下法司允守太倉銀庫多物議給事中

梅國樓論之


國權

萬歷十六年

一

鹽官設遷孺木著

國家圖書館, NATIONAL CENTRAL LIBRARY, TAIWAN, R.O.C.



甲辰四川巡撫徐元泰奏辨征賦乃事功且垂成 上遂不  
准其乞休


乙巳改日講期于二月十日

丙午左副都御史魏時亮上法祖四事曰法祖典學宜久而  
益勤曰法祖養心在宮闈體念曰法祖建事握行政任人之  
机曰法祖希堯篤信及求之志 上是之

丁未浙江左布政使張一霽致仕加太僕寺卿一霽初不附  
權貴移告雖按臣見指而部議優之  
己酉御史劉汝立終養乞致仕許之

庚戌刑部尚書李世達左都御史吳時來大理寺卿孫鏞申  
明律例未盡者六事一奴婢凡官民家倩人限年者從僱工  
論其買配年久同子孫論買暫未配士庶家以雇工論搢紳  
家以奴婢論一竊盜三犯或赦前一赦後二或赦前二赦後  
一俱入矜疑強盜一殺人一子孫殺祖父母父母者單具即  
決斃獄亦慘其屍一偽印者斬不論何物成造 上允行  
套虜卜失鬼坑阿諸酋市賞畢仍屯聚不鮮以脅我、兵擊  
之擒三人獲馬四十四匹卜失鬼始謝罪

癸丑特加致仕尚書嚴清陸樹聲太子太保及尚書張瀚何



維柏陶承學王宗古郭宗臯趙錦右都御史曹亨各給月廩  
歲役

二月丙辰戎政尚書傅希摯請侍經筵許之

庚申免西安鳳翔起存銀三萬四千有奇


南御史陳邦科請錄用建言進士彭遵古顧允成諸壽賢疏  
下部覆有特處示懲之旨

癸亥禮部請以曾子裔孫如孔顏孟三氏為四氏學從之曾  
氏裔寓江西永豐嘉靖中始襲世博士復還山東故御史毛  
在言之

己丑 上御經筵畢閣臣出文華門傳止之有頃司禮太監  
張誠示貞觀政要曰 上問魏徵何如人曰徵敢諫亦賢臣  
也誠曰縣官謂其先事李密後事建成太宗非賢也九經皆  
聖賢所作豈可不知若大學衍義明脩齊治平之道曰罷貞  
觀政要講禮記

行太僕寺卿苗淳然以陝西僉事陞自負才品不安于同司  
遂訐奏巡撫王垓文選郎中徐一楨害已給事中楊廷相洪  
有復交論其私憤其私竟落職

勘沁河工部以沁水入黃河衛水入運河舊矣頃沁水決木



樂蓮花口而東督河楊一魁議因決濟運蓋欲導沁入衛其  
勢便也科臣常居敬往勘會撫按袁貞吉王世揚謂輝城卑  
于河藩封新建恐決開而勢不可止有衝激之患且沁水多  
沙善淤入漕未便不如堅築決口關河身以吐南行之氣而  
加浚衛河民得灌田尤完計也 上從之  
丁卯 上御文華殿就講禮記左庶子劉虞夔倉皇遺脫字  
句太監李浚傳諭日講官宜熟習閣臣代為請罪報聞  
申嚴驛禁仍諭各衙門公差列名奏遣不許擅委  
戊辰刑科給事中許弘綱請釋進士彭遵古等不許

中軍都督府左都督李文貴卒部覆祭葬如例特祭九壇

己巳刑科左給事中陳燁奏邊賞之濫至以世官為常格而  
乘輅之使絡繹為累請行禁飭章下所司

辛未巡撫保定張西銘為南工部右侍郎

壬申 上不豫

甲戌太僕寺卿羅應鶴為右僉都御史巡撫保定

乙亥禁勢豪越占溝渠


丙子禮科給事中陳璧請經筵講大學衍義報聞

陝西撫按王埏姚之讓請墾延安慶陽荒田從之

國權


萬曆十六年

四



丁丑司業王祖嫡奏請復建文君之紀年正景皇帝之  
附錄其略曰建立紀年之不可泯者五自古無道之君天  
共棄革其命矣不聞革其年也矧師曰靖難明非復仇胡為  
以薄海内外已奉之正朔而去之不可一靖難宣力諸臣妄  
希茅土日構建文之過本非成祖之心事平固已幡然感  
悟故鄙呂震獨無封事諭吏部不念舊惡榜條方列旋即除  
毀革除之議起于六月庚午命府部建文條格悉復舊制  
今年稱三十五年而已皆一時逢迎之臣從諛至此後世不  
察遂謂成祖獨斷歸過君父使親之心不白不可二或


謂成祖定鼎功同再造如復革除則師疑無名夫太祖  
之視成祖建文同一子孫也今日之視二祖同一祖宗  
也不革除謂不能仰體成祖心必革除其為仰體成祖  
乎心靖難以彰再造之功不革除以紀在位之寔何悖之有  
不可三國史野史上下並傳信野史而疑國史若謂國事多  
諱不若求之野耳夫年既革除事必散佚今紀建文者止慮  
數十家謬誤相承至不忍讀逞其雌黃遂消朱紫夫豈細故  
也不可四革除者使天下後世不復知有建文耳而千萬  
世之後寧能以建文之寔歷為洪武之虛年乎不可五臣





之附疑附錄何也 睿皇帝赫怒振旅雖曰失計然非游獵也 景皇帝監國正位雖曰權宜然為社稷也名異兩朝事歸一錄又何說乎臣謂景泰之錄不可附者亦有五成化十一年十二月 憲宗勅廷臣曰曩者朕叔郕王踐阼戡難定邦寢疾之際奸臣倖功妄興讒構請去帝號 先帝尋知誣妄深用悔恨以次抵奸于法不幸上賓未即舉正朕嗣大統間以復帝號一事質之 聖母亦曰此 先帝本意宜即舉行朕祇服懿訓用成先志其仍復皇帝號會議尊謚以聞夫既加恭仁康定之尊謚而不去廢帝郕戾王之舊名前後背

拂不可一臣嘗反覆錄中凡涉問安奉迎之文並為裁削聞之者舊蓋編摩者承時于謙王文之獄固曰不如是則事出無名噫加人以惡侈已之功不可二詩于兄弟戒勿相猶謂弟薄而兄效之也 景皇帝不敢曲為之解 英皇帝始惑于讒構終竟懷乎悔恨在 憲皇之勅具見其不知者謂英宗怨之而不敢改沒虞帝親愛之意啟漢文粟布之訖不可三晉元宋高豈真戡定之績徒以皇之際收拾人心稍能立功故史不得不與之 景皇帝萃渙合離外攘內脩比狩回鑾神州如故七年之烈仍不得如晉宋之例後世謂何



不可四編年之義所以明歲時嚴統系也附僭偽附偏閭附夷狄表大義也以景皇帝之錄而從附謂之舛以景泰天順之事忝正統天順間謂之淆不可五今宜復建文年號付史館脩錄其景泰自為一錄削郟戾舊名亦善繼善述之道也章下禮部

工部議黃河為患自古已然而治河之難中州為甚蓋沙壅土疏曠野千里獨特埽埽脩築功難就而其費今科臣常居敬撫按袁貞吉王世揚會勘地連十餘界兩省而唐家口為黃河要地考城曹縣兩省居民互相盜決宜分地專官嚴築

在祥符滎陽中牟屬河道僉事在封邱陽武屬大梁道在蘭儀封及考城芝麻庄陳隆庄唐家口隄埧屬兵備副使河陽內武涉沁河諸衛屬河北道叅議堤凡三萬三千一百五十大費八萬四千六百餘金上從之

戊寅申時行等進閣藏太祖高皇帝御札七十六道上命併進累朝寶訓寶錄每閱必御冠


量免河南田租其開封歸德改食長蘆山東鹽其南陽歸德汝寧今年賑煮粥

庚辰太僕少卿王致祥為寺卿

國權

萬曆十六年

七



浙江按察副使吳遵晦左布政陶學幼苑馬少卿戴鳳翔以  
招納投獻為巡按傅好禮所糾下臺訊  
提督陝西邵光先請增年例銀不許


隴西縣天鼓鳴衡山縣連雨百餘日傷稼

三月甲申朔浙江義烏縣熊祐芳初以撫按溫純傅好禮會薦  
而秋芳改行好禮引罪溫純方陞戶部左侍郎乞分過不聽  
吉王翊鑾以龍陽王進封至是求次子常汝改郡爵不許  
丙戌閣臣上思政養心省心樂志四箴

丁亥覓寶訓寶錄于皇史宬無有云 世宗以避西城萬壽


宮偕災已命更錄上

己丑薊遼總督張國彥總兵李成梁發兵剿北關卜寨那林  
孛羅二酋為逞仰二奴子初兩酋圖夕商我檄諭之不聽乃  
提數千騎降夷二百人東抵海州夜抵開原令吏卒毋擾南  
關給夕商白布披其肩為識且出威遠堡三十里至落羅寨  
亦北關部夷也叩馬閉壁戒不犯卜寨那林孛羅寨各去數  
里恃險不聽撫將戰我攻之游擊吳希漢陷堅中流矢不退  
軍薄城下虜力拒我虜石城外重柵立八角樓守具甚備破  
重柵而石城堅我仰攻輒死發大砲洞堅斬把當亥等三百



五十四級獲馬九十八匹又植雲梯與中城等上置砲下寨  
那林孛羅始懼乞命與南閔分勅入貢成梁許之乃旋師  
瞿九思曰有功不賞有罪不誅雖唐虞不能以化天下信  
哉是言也始逞仰之捷所以優邊吏者為禮顧不重與厥  
後逮至捕兩備兵使幸無驗今諸臣其誰不凜于陛  
下德威並著哉卜寨那林孛羅能不及阿台頗遠遂欲圖  
危互商得乎無問互商故主人翁孫子即以忠虜之道而  
况海西又屬我左臂明甚堂大漢豈能遠使互商坐而  
自斃耶嗚呼悲夫定兩酋所以速自斃也

癸巳禮科給事中王士性請開復黃河故道謂自徐而下河  
身高而束以隄行隄上與徐州城平急流益迅委全力于淮  
而淮不任故昔之淮黃合今黃強而淮縮不復合矣黃強而  
一啟天妃通濟諸閘則黃水乘運河如建瓴高竇一梗即江  
南百萬石之運坐廢淮縮則退而浸泗為祖陵計不得不石  
隄增河益高根本不可虞乎河至清河南衝者四折而入  
海淮安高郵寶應鹽城興化諸生民託之一丸泥決則盡化  
魚鱉將奈之何而議者欲增隄泗州或可開顏家河灌口河  
永濟河南築高家堰北築滾水埧近議開月河章濟崔鎮三



填如蟻穴漏卮補救並無寧歲搃不如復故道為一勞永逸  
之計也河故道由桃源三義鎮遠葉家衝與淮合在清河縣  
北別有濟運一河在縣南蓋支河耳河強奪支河直趨縣南  
而自棄北流之道久且斷河形固在也自桃源自瓦子灘九  
十里地下不耕無廬墓之害得至開河費視諸說稍倍而河  
道一復為利無窮章下所司

甲午故脩撰舒芬贈左春坊左諭德謚文節故御史傅應禎  
贈大理左少卿

遣使存問前禮部尚書陸樹聲從南禮部尚書姜寶之請其  
設江南蘇松水利副使係銜湖廣按察司以山西副使許應  
達改任

丁酉復故雲南巡撫兵部左侍郎鄭應龍官予祭葬

重脩浙江海鹽石塘

戊戌巡撫曹子登進右副都御史


辛丑改土司思明州屬太平府時思明土舍黃拱聖謀篡殺  
母兄拱極而思明知府黃承祖乘亂掠其村寨撫按請誅拱  
聖草承祖職立功自贖

癸卯巡按雲南御史蘇鄩言故按察使李材等平緬甸欺罔

國權


萬曆十六年

十



前報四月賊數萬屯遮浪五月十七日迤西遮莫合兵殺死  
比美隨領部覆至騰衝貢象歸款今乃云向往知知至六月  
五日報緬兵已到密堵夫密堵至騰衝四十五程去擺古約  
三十程何往來不及一月也阿瓦江在猛密南威緬隔岡勒  
北原非策應順路李材向于永昌創書院講學七月十七日  
生長游擊劉天澤以九日赴賀見各官發兵原無城守次日  
未離騰越今云賊柵以阿瓦江為險本道移騰越游擊進威  
茂何也密堵正迤西敗緬之地原無城守與遮魯博薛等處  
皆村寨或旁密堵或進蠻哈相去遠甚緬兵敗歸夷酋方報

今六七月八日發兵東破遮魯夷城十三日戰密堵當在何  
時也報破緬寨萬餘擒斬三千餘級爰瘴難運標積聽驗今  
見級不滿千餘稱思化燒燬夫戰地在密堵運回應在騰衝  
思化江屯相去各數百里兵未嘗交何從燬也報奪白夷民  
千二百四十人生擒六百八十九人今按奪回者未見給還  
何部生擒者未見安置何地詰之第曰各夷不肯解出夫既  
系奪回何被各夷留執也報遮魯城約兵三千密堵積兵二  
三萬戰象數百乘勝進殺屍橫遍野果爾則器骸山積矣今  
按象二隻夷器六十三件豈數萬賊皆張空拳就死耶報連



克八城拓城地千里今按猛密為緬兵七據蠻莫為思化驅  
略三宣以外尚未訖服豈諸倔強尚在數百里內而開拓碩  
踰千里乎搃之李材虛望驟躋期邊功自見撫臣且為所欺  
而郡將又何論也疏上命科部叅覈  
改廣西平樂梧州清軍同知各加江防銜

丁未時陝西秦州有囉哩賊據石門山立寨殺傷官兵

戊申張應登丁懋遜李汝相李獻可任讓李用策吳文梓孟  
養浩楊文煥楊恂李文郁羅尚萬程章尚學李汝華杜華光徐  
常吉並為給事中安文璧陳效荊州俊霍從教潘士藻張文

德陳子貞龔雲 梅國楨連標王道增周班爵李化龍李光

祖崔景榮管九臯陳達張季思曹楷顏洪範方萬策何出

趙一鵬王麟趾陳揚善劉寅李自謙俞咨禹並試御史

江南江北山西陝西河南大飢疫


左春坊左諭德兼侍讀張元忭卒字子蓋浙江山陰人隆慶  
辛未進士第一授脩撰歷今官恬漠耽道于進取泊如也年

十 贈 少卿謚文恭

朱賡曰國朝科名以甲魁為卿相勲德並懋垂鴻無窮者  
無論已乃其位不越中大夫而名播于寰宇沒世之後猶

國權 萬曆十六年

十三



蒙表章則一峰羅公倫溪梓舒公芬念菴羅公洪先三君子之外無得而聞焉三君子所謂不愧科名者也豈其卿豈其相哉子蓋之造即未知其所止要之理學同氣節同官不過五品又同安知後世無表章子蓋以繼三君子之躅者乎

詔脩江南水利

劉鳳曰蘇之三江曰吳淞江曰婁河即婁江曰黃浦即東江昔嘉定尹龍晉以御史左官濬治吳淞百年以來淤滯名大被其利名之御史河方鑿地時獲一石上云得一龍江水通蓋豫記之矣近巡撫海瑞復疏之後乃專官以憲令督治者累年蓋吳利水稻其豐穰惟在水之節宣得其所昔單諤有書繼則沈憲副密圖志尤詳寔不越禹貢所云三江既入震澤底定二言也

是月神木孤山兩堡卒鬪餉大譁巡撫延綏梅友松誅禍首卒人


四月甲寅朔截漕二萬石賑鳳陽淮安揚徐平糶

直隸巡按御史喬璧星言治河永樂九年命設都司督理事已輒罷正德四年設憲臣總理河南之開封歸德山東之專

國權

萬曆十六年

十三





曹濮臨沂北直隸之大名天津南直隸之淮揚徐穎咸屬節制建牙如督撫重河防也萬歷五年因河漕兩臣意左併河于漕遂在山東河南北直皆以巡撫兼領之官無專督河患日深頃常居敬議專設亦有見也部覆從之  
丙辰巡按直隸御史任養心言遼東提兵李成梁子如松駐宣府如柏駐密雲弟成材駐黃花鎮而李平胡李興李寧王維藩皆姻舊廝養為列鎮參游甚多神京左右盤踞驕橫而如柏尤貪淫跋扈不早去恐釀變上罷如柏仍諭成梁等毋牽及


戊辰起潘季馴右都御史總督河道兼理軍務  
河南葉縣地震

巡按浙江御史傅好禮以便宜折漕米賑飢

庚午禮部左侍郎兼侍讀學士署詹事府王弘誨兼教習庶吉士左春坊左庶子兼侍讀劉虞夔為太常寺卿兼侍讀學士署翰林院

前南禮部尚書何維柏卒字 廣東南海人嘉靖進士授

御史按閩言事忤嚴嵩下獄除名隆慶初復官歷尚書致仕  
年七十七予祭塋謚端恪



南司業余孟麟為洗馬仍署司業

丁丑申時行六年考滿進左柱國詹中書舍人兼支尚書俸  
五月癸未朔嘉興地震

乙酉廷試歲貢生


戊子前兵部尚書凌雲翼奪秩閑住

辛卯捷遼東北關之捷受賀

壬寅先是川南征賊乃首者賊詐降都指揮使李獻忠等全  
軍敗沒議窮討南京刑科給事中徐桓言言不宜滋衅至是  
拔寨十九斬千八百六十三級俘七百五十六人降二千二

百餘人擒渠帥復侵地百四十里副使武尚耕磨崖題石殺  
馬溪為華夷界瘞鉄牌索而盟旋師巡撫徐元泰奏立屏  
山縣于馬湖時多咎其濫殺邀功

瞿九思曰善哉乎御史劉寅請兵憲于建昌也彼乃乘瀘  
水烟瘴疑懼我邊吏乃得以猖狂于其間乎臣聞我眉至  
建昌乃司馬相如開越雋時所鑿青衣道也嘉靖中兵憲  
富好禮請通道通道誠可防相嶺良是良是至若中鎮西  
寧水池延袤五六百里可耕牧樵蘇如以為屯且守可省  
邊餉萬也信然哉




乙巳諭禮部今天災傷重大民窮時艱又上天警戒爾部行  
內外官司痛加脩省時山東陝西山西河南浙直俱大旱疫  
告困之疏日上  
大通倉燒糧六厥  
丁未閣臣上  
二祖寶錄  
葉初春董道醇為兵工科給事中道醇南京林道南林國材  
陳忬袁應文為試御史  
南兵部員外郎張一桂為司業  
已酉刑科給事中楊文煥劾外戚王道亨鄭永憲怙勢毒民  
上責二人治其黨

勅旌魯王順坦賑飢  
六月乙卯禁在任官立祠  
丁巳吏部奉命陞謫官州判張鳴岡左之宜顧憲臣高維崧  
高州等府推官

戊午故祭酒蔡清謚文莊  
己未勘河勢給事中常居敬言黃河故道難復議開營家營  
支河

庚申夜京師地震

國權 萬曆十六年



巡撫應天余立改為南大理寺卿  
山西道御史陳登雲請冊立東宮且罪鄭承憲驕橫之狀  
不報

癸亥太常寺卿周繼為右副都御史巡撫應天  
甲子暫停浙江織造減薊州之半

進王錫爵太子太保廕國子生以三年考滿也

乙丑大理少卿李尚思為太常卿

庚午報順義王西行與瓦剌仇殺于甘肅塞外

辛未起艾穆光祿少卿

壬申兵部覆草湖廣總兵官并罷武靖伯趙光遠不允


臨城大雨雹建陽蝗

癸酉給事中常居敬上脩理河道圖

閏六月壬午朔戶科左給事中穆來輔上籌邊要略

癸未申時行等以 上輟講請仍進講章特賜觀覽俟秋涼  
就講 上褒答之

甲申兵部言近來外戚紛 請尉軍會典皇清尉軍行錦衣  
府軍二衛撥給三十人旗尉原備直駕充儀衛會典公主出  
府錦衣衛撥尉三人軍三十七人郡主俱二十四人而外戚



及過之可乎 上從之命查革如例

御史潘士藻言今召對久曠君臣之情不通誠儆往事行之  
面議人才之用舍大工燒造之當停金花之當蠲時與商略  
脩省之實毋過于此 上怒謫外

南御史方萬山劾江西巡撫陳有年過糴殃民命罷有年時  
粟貴有年令本省買運毋販外而政府嘆其不通問吏部謂  
有清望乞改用不聽

已丑河南左布政使莊國楨為右副都御史巡撫江西

乙未前太常少卿王世懋卒字敬美江南太倉人嘉靖進士

亦能文同兄世貞見稱

戊戌命各省鎮調戍官軍聽其地撫按考察舉劾

丁酉前太子太保兵部尚書張佳胤卒字叔節銅梁人嘉靖

癸丑進士

壬寅西水土舍安國亨奏前進木被撫臣委商所劫而上欲  
責撫臣閣議國亨奏辨稱冠帶土舍又擅參巡撫非體  
然之


禁各遣御史不許占用坐馬

甲辰失朝官七十一人奪俸二月

國權

萬歷十六年

六



丙午命孟秋祭日寅時省牲故事先日省牲獨孟秋尚暑故移之


已酉前刑部左侍郎萬恭卒字  
江西南昌人嘉靖戊戌進士

總理河道潘季馴請嚴開河啟閘之法云黃河水濁而強波泗清而弱其交處則茶城也每伏秋黃水發入淮沙停而淤勢也黃水消潮水隨之沙隨水制而通矣縱有淺阻不過旬日如萬歷十年中河郎中陳瑛立石洪內華二閘遇水發即下板以遏其橫而黃水落則啟板以出泉水臣前月望至宿

遷閱視同知徐申謂本月望前黃水長至丈餘漫入洪口即下閘板至二十一日水稍落于是啟閘通漕至閏六月等日亦然前不過七日後不過三日隨長隨落此二水勝負通塞之故也建閘易守閘難運貢之馳行勢豪之開放程不能待而利害決矣乞嚴啟閉之法報可  
旌烈女六安汪氏許字程廷佐未歸而廷佐卒氏痛甚自縊竟同穴

大同新平堡擺腰開市虜以千騎折墻入掠人畜

七月己未免山東阿等三十七州縣夏稅丁口鹽鈔銀



戶部覆御史劉霖題戚臣庄田除中宮之親傳五世限百  
頃駙馬傳五世限十頃諸妃家傳三世選官 上允之第  
有出之妃賜未百頃者准留

刑部右侍郎何源為左侍郎大理寺卿孫寵為刑部右侍郎  
乙丑皇世子常治殤謚曰懷追封沅王

己巳延綏西路隕霜殺稼

戊寅通政司叅議陳大科為太僕少卿

己卯南太僕卿王湘為南大理卿

申時行揭救李材不聽竟以官負說謊律論死蓋獨斷云

南工部尚書吳文華改南兵部尚書

八月壬午朔雷震南京西華西安等門碎鴟吻簷柱

癸未鄒平王府庶宗願室有罪賜死


乙酉光祿少卿謝杰為南太常少卿

頒徵糧冊式各省直接李註數毋隱沒

丁亥 上復閱壽宮勅武清伯李文全同左都御史吳時來  
居守

光祿寺丞魏允貞為少卿

戊子以御史荊州土論薦進士諸壽賢顧允成彭遵古各除



教授

乙未以皇女生徵太倉二十萬金

已亥刑部尚書李世達覆叅駙馬都尉侯拱辰貪橫不法命奪任送太學省愆百日

辛丑工部主事王繼先註籍不繳閏防工科常居敬糾之下鎮撫司

丁未禮部尚書沈鯉奏聖壽屆期乞早冊立報聞

日講官吏部右侍郎朱賡為禮部尚書光祿寺卿周世選為右僉都御史巡撫河南

吏科都給事中張鼎思 科給事中陳燁與江西按察副使

房寰互訐前南京提學御史謂鼎思私囑以巡撫王元敬

手書上之有旨責給事各飾辨 上愈怒各降二級聽調元

敬落職閑住


于慎行曰唐長慶元年錢徽知貢舉段文昌李紳各有所

囑榜出皆不得預文昌構之于上徽遂敗官或勸奏其私

書徽曰苟無愧心得喪一致柰何奏人私書非士君子所

為取而焚之觀徽此舉何等心事凡人刻薄者必不正大

阿媚者必不寬弘能受私囑者必能奏私書君子小人政





于此觀之

奪宣府總兵李如松叅政王學書俸三月時爭坐被論

戊申李材等論死陳嚴之等削籍刑官司官各罰俸

是月各京省考官順天右庶子黃洪憲盛訥應天左庶子劉

元震洗馬劉楚先浙江翰林脩撰蕭良有兵科左給事中胡

汝寧江西翰林侍講陸可教刑科左給事中陳燁福建翰林

脩撰楊起元吏部主事劉學曾湖廣翰林侍讀馮琦禮科右

給事中白希綉河南吏科給事中張養蒙大理寺評事張國

璽山東刑科左給事中邵庶刑部員外郎趙祖壽山西吏科

給事中楊其休禮部主事陳應芳陝西吏部主事朱來遠禮

部主事向東四川禮科給事中王士性戶部主事劉奕廣東

禮科給事中陸懋龍兵部主事朱維京廣西吏科給事中舒

弘緒刑部主事朱熙雲南戶科給事中李廷謨工部主事陳

所學貴州工科給事中洪有復兵部主事梁雲龍時應天分

考當塗知縣章嘉楨中曹祖正四十九名詩經字十號誤

填春秋荒字十號曹祖正檢舉應天府尹張櫟等遂未進


試錄奏祖正除名嘉楨奪俸三月左庶子劉元震等罰三月

詩經卷解部覆閱

國權

萬曆十六年

三



河決直隸東光魏家口壞廬舍

九月壬子工部右侍郎李輔為南工部尚書

先是應天府丞許孚遠揭辨李材于是試御史管九臯劾孚遠命降二級調外

南京守備署中軍都督府事魏國公徐邦瑞卒

戊辰諭吏工二部加慎河道官勿勞民耗財視為故常

己巳昌平提兵官張邦奇鎮守山海關

庚午巡按陝西御史徐大化言臣巡河西見土曠多因講求水利會巡撫曹子登于甘泉寺暮歸值甲士十數騎持刀突

至臣從者叱之曰巡按也乃去臣問道入城聞甲士入寺跡撫臣撫臣亦以間道免于是提兵劉承嗣密語臣曰慎勿開門聽其逸而尾之必獲矣明日果獲問之則以承嗣鞭貫太嚴餉不時給也故欲甘心撫鎮誤犯按臣云免浙江牲口銀十之三

壬申偏頭所星隕


甲戌叙壽宮功工部尚書石星進太子少保侍郎曾同亨進尚書餘各有差

應天貢士王國昌冒籍除名

國權

萬曆十六年

二十三



乙亥復設湖廣行都司

丁丑金星晝見

戊寅宣大督撫鄭洛許守謙上六事墾復屯田催徵逋負清查回逃疏通鹽引懲戢賸削裁革糜冗 上從之

已卯禁邊將私招屬夷

十月辛巳朔巡撫甘肅曹子登移巡撫保定左通政趙世卿為

光祿寺卿子登尋論罷

甲甲提督河道潘季馴上河防八事久任部臣責成長令禁調官夫預定工料立法增築添設隄官加幫真土接築舊隄

從之

乙酉巡按廣東御史蔡夢說請宥故相張居正子嗣脩戍雷州不允

蠲 龍陽等州縣屯糧

禮部右侍郎徐顯卿改吏部前吏部右侍郎趙煥為左侍郎

陝西按察使李廷儀為右僉都御史巡撫甘肅

丁亥貴州布政使叅議楊寅秋為雲南按察副使


脩慶雲宮

湖廣飢

國權

萬歷十六年

十四



戊子西虜炒胡免把漢及青把台吉火落赤等會東虜店囊  
合掠瓦刺事聞命鎮夷游擊移益池肅州叅將移臨水脩之  
已丑寧夏報墾荒十一萬四千一百餘畝

庚寅庶吉士林承芳吳應賓來宗道全天叙蕭雲舉王圖彭  
烜黃汝良為編脩檢討李沂劉弘是王孟熙薛三才劉為楫  
為給事中林祖述趙標曾礪王道正為御史

辛卯左副都御史魏時亮為工部左侍郎祭酒田一雋為禮  
部右侍郎

乙未勅泰寧侯陳良訓忻城伯趙泰脩等署南京中軍都督

府事

前南祭酒黃鳳翔改北

孟養宣慰司貢馴象方物

左僉都御史詹仰庇為左副都御史

起禮部右侍郎張位仍協理詹事府事兼侍讀學士仍日講  
太子賓客禮部左侍郎兼侍讀學士署詹事府王弘誨為吏  
部左侍郎


己亥巡撫寧夏梁問孟為左僉都御史

癸卯甘肅提兵官劉承嗣為後軍都督府僉書俄罷之赴摠

國權

萬曆十六年

三五



督聽用

順義王捨力克上表貢馬

乙巳陝西左布政使姚繼可為右副都御史巡撫寧夏

丙午予故戶部右侍郎呂時中祭葬

分府洮岷副總兵李暘為平羌將軍總兵官鎮守甘肅


十一月辛亥前南兵部尚書郭宗臯卒 字 山東登州福

山人嘉靖乙丑進士授刑部主事除湖廣道御史直諫被杖  
歷右僉都御史巡撫順天大同宣府進兵部右侍郎總督宣  
大坐虜入遠戍邊隆慶初起刑部右侍郎至今官致任年九

十贈太子少保謚康介予祭葬

予慎行曰當嘉靖戊子東省舉士得公及葛端肅吳介肅  
二公皆世所稱鉅卿偉人也端肅在位久所建樹為多介  
肅起家及罷差久于公而嘗在要地惟公處阨居約凡二  
十年起不滿歲而去塞上軍功久遠無能明者至乃鞠躬  
履方始終一節折而不撓三公者皆古貢大夫鮑司隸之  
流也世之稱齊魯諸儒質明固不虛矣

除潞府官屬刑部主事楊同善戶部主事劉以平為左右長  
史國子博士李繼美學正李琛為左右審理中書舍人戈履



亨程啟元為左右紀善

癸丑改勅蘇松水利副使許應達兼督蘇松常鎮糧儲從侍郎王世貞之議

甲寅大理寺少卿宋仕為右僉都御史巡撫保定提督紫荆等關

庚申巡撫廣西右副都御史劉繼文巡按御史張愈賢言制夷四事嗣官男以移土習立村長以約峒丁正典刑以懲逆目立社學以教童童從之繼文計勦東蘭州土官李盛龍章下所司

下兵部

甘肅海虜瓦剌他不囊擁衆自南川入殺副總兵李魁及中軍何承印等

辛酉武定侯郭文誠為後軍都督府僉書


左副都御史詹仰庇言臣子對君貴明白質直不尚藻飾貴簡切謹嚴不尚繁富近來競為新奇隱僻務名博瞻至數千言事盡意窮而不休聖主萬幾何暇竟覽上大是之命定奏格

壬戌御史何出光劾太監張鯨及其黨序班邢尚智錦衣衛

國權

萬曆十六年

二十七



左都督劉守有相倚為奸 上宥鯨免守有餘付法司尚智  
論死李登雲張繼德等戍邊

甲子增河南撫臣勅書兼理河道與督臣協同行事


免河南商永等二十五州縣屯糧

丙寅前太子太保兵部尚書王崇古卒字學甫山西蒲州人  
嘉靖辛丑進士授刑部主事歷官俱有能名以右都御史摠  
督宣大適俺答孫那吉來歸受之因教俺答執議定策弭兵  
四十年崇古力也其才局開偉不拘小節年七十四予祭葬  
贈太傅謚襄毅

焦竑曰前是議者唯唱謂大羊性叵測無能堅決同事諸  
臣或可或否或可否半甚者稱引嘉靖馬市寒盟事搖動  
衆心公劃然決計不惜櫻天下之口主上亦感其血誠格  
群議而從公可謂臣主相遭千載一時矣自辛未以迄于  
今邊鄙不聳所為完室家若首領所省軍興又几何由此  
言之公之功可勝道哉

戊辰命收闡者二千人禮部尚書朱賡科道苗朝陽荊州俊  
俱言之不聽

己巳前禮部尚書汪鏜卒字 浙江鄞縣人嘉靖丁未進



士授編修歷祭酒禮部右侍郎萬曆甲戌丁丑兩知貢舉改吏部左侍郎教習庶吉署士詹事府實錄成進尚書致仕才識淵泓篤行持重予祭葬

甲戌折蘇松杭嘉湖漕米三分之一

乙亥御史馬象乾以張鯨不去責閣臣票擬依違上怒命下象乾鎮撫司獄申時行等力為申救封還御批不報時行引疾

十二月己卯朔吏科給事中李沂劾東廠太監張鯨不法獨未伏罪非法之平上怒下沂鎮撫司又刑科唐克欽亦言之

上不問時流言張鯨進賄而司禮太監張誠故黨馮保惡鯨沂疏引馮保張居正故上怒之

諭申時行出直宥馬象乾責張鯨私宅閑住


辛巳免薊州昌平永平災租

郭坤相嗣成安伯

癸未杖李沂六十削籍

甲申增設開封府同知一駐荊隆口增祥符縣丞榮澤主簿各一專筦河務

丙戌庶吉士王德完為兵科給事中





丁亥蠲折湖廣五十二州縣屯糧

庚寅時 上怒李沂連日稱疾不朝申時行等奏問起居許國自引罪乞罷不許

以潞王之國徵珠寶至二十餘萬金戶部尚書宋纁給事中張應登等爭之僅減三分之一

辛卯命順天府尹祈雨


石砮宣撫司馬千斛攻馬廷蘭秦選等各寨敗之

甲午申時行等言前大學士王家屏服除請召入報可

丙午起王家屏禮部尚書兼東閣大學士直文淵閣

壬寅右軍都督府僉書張臣為總兵官鎮守山西

癸卯罷開營家營支河



國權

萬曆十七年己丑

正月己酉朔日食免朝賀

甲寅大盜劉汝國黃梅人結黨于太湖宿松隣黃州山中于

楓香駟倡亂初數十人旬日間至數百旆恣焚劫燬前駟張

官兵不能制撫按不報兵科右給事中李廷模稍列其狀章

下兵部奪兵備巡捕各官俸


工部言畿民鋪商之苦 上是之凡新炭各務平價毋多索

國權 萬曆十七年

一

國家圖書館, NATIONAL CENTRAL LIBRARY, TAIWAN, R.O.C.

監官設遷孺木著



乙卯 上享太廟

丁巳安慶衛指揮陳越擊劉汝國于陳漢山敗沒又蘄州兵戰長溪山殺傷略相當

戊午脩奉先殿成

雲南猛密宣撫司土同知思化發兵爭蠻莫巡撫蕭彥言蠻莫乃罕送舊欲扶立罕送仍歸蠻莫以安夷心兵部議騰衝以三宣為護衛三宣與蠻莫接壤三宣安內地得寧蠻莫靖外藩可固今思化乘思順奔竄之隙馮陵蠻莫勢將不支不得不興問罪之師如三宣搖動後益難制尤不得不靖震隣


之難惟兵加于播告之後則出為有名議定于詢謀之同則鮮可永杜 上從之

康陵永陵多盜草守備內監罪把摠等官

已未逐私闖三十人

庚申戶科右給事中楊其休請 上視朝以風厲入覲諸臣報聞

吏科給事中張應登請立東宮以應青陽太常寺卿李尚思等南京禮科朱維藩等兵科杜縻等各言之俱不報  
夜有星隕甘肅西寧衛大如月天鼓鳴



辛酉虜段奈台吉貢市先是犯宣府革其賞

前左都御史王廷平字 四川南充人嘉靖壬辰進士授

部主事改御史劾吏部汪鋳謫亳州判官歷右副都御史治

河晉戶部侍郎治漕撫江北勦倭加俸三級拜南禮部尚書

改左都御史廷素善徐階給事中張齊詆階以去廷發其使

邊納賄下獄遣戍廷致仕後被削籍高拱敗復官年 十

予祭葬

壬戌寧夏地震

癸亥山西新開口星隕萬全都司天鼓鳴

部院大計降斥如例

甲子夜月食

延綏東虜乘小市之期犯鎮羗神木我預伏擒六人虜執我

永興操守魯槐邊臣久之始報


丁亥南後軍都督府僉書署都指揮僉事任大同為左軍都

督府僉書

戊辰科道拾遺允之

己巳下貢士林春元于法司以游留都好請託嘗臨刑部主

事劉以煥落職南京刑科徐桓糾之也



庚午禮部主事高桂言去年順天考官黃洪憲關節第四名  
鄭國望稿止五篇李鴻文中有因字屠大壯大率不通第一  
桂潘之惺任家相李昂張毓塘俱嘖有繁言且硃卷遺匿辨  
驗無自而榜首王衡為輔臣錫爵子素號多才而入之疑信  
相半乞同覆試庶几大臣之心跡明矣有旨下部科查明不  
必覆試

辛未

上始朝

刑部尚書李世達請逮入覲官不職者 上宥之

王錫爵奏辨且乞休 上慰留之

甘肅巡按郭萬里幾殺于亂卒

截漕三十萬石賑北江

壬申禮部上潞王之國儀注

寧陽侯陳應元署都督僉事劉光祚為南左軍都督府僉書  
癸酉申時行等請覆試八人而後無議從之命錦衣官同高  
桂巡視

乙亥旌浙江賑飢義民董鉞等


丙子四川提兵官劉滋為都督僉事神机營左副將

密雲草場火

國權

萬歷十七年

四



遼東

李如柏出塞斬虜四十一級

二月戊寅朔禮部覆試王衡等八人左都御史吳時來左副都御詹仰庇等科道陳與郊姜璧等品定王衡等七人文理平通屠大壯亦通並准會試高桂以輕率奪俸五月往例文理亦通除名

己卯裁山東濟南叅將曹州武定守備

辛巳巡撫四川兵部右侍郎徐元泰致仕

壬午鄆陵王府奉國將軍朝雄毆父賜死

少傅大學士許國吏部左侍郎王宏誨主禮闈

前南刑部尚書錢邦彥卒字

江南吳縣人嘉靖乙未進


士令高安拜吏部主事至郎中歷刑部左右侍郎考終完名時年九十方存問未至

癸未錄廣東平徭撞功

甲申黃洪憲奏辨且乞休不允刑部主事饒伸論黃洪憲通關節私輔臣子弟一勢高者無子則錄其婿利厚者非子則及其孫覆試之日尚多不能文時來不分可否輒曰通得

吳

朦請錫爵為相三年忠賢被斥佞僉躡躋吳時來附權蔑法不稱內臺均乞罷斥明日王錫爵求罷又明日申時行求罷



許國方入閣諸司章奏送時行私第票擬仍封還 上乃慰  
留時行錫爵怒伸逞臆下鎮撫司薄暮三疏並下皆出宸斷  
李鴻申時行壻  
五軍營副將馬應元為署都督僉事仍本營副將  
壬辰申明雲南銀場疆界部覆雲南巡撫蕭彥等以臨元金  
滄洱海三守道各有礦場宜照屬分管不必專屬臨沅又麗  
江不得市劍川界內夷田民田又武定雲南二府軍務俱屬  
普安道應即改為兵備道又需平守備聽臨安叅將節制並  
從之

甲午御史朱鴻謨為光祿少卿

乙未饒伸獄上削籍降高桂二級甘泉知縣

戒章奏未奉旨毋抄報


劉汝國平吳淞叅將陳懋功等敗之斬獲二百五十餘人

丙申海盜李茂犯萬陵

丁酉巡撫廣西陶大順致仕

己亥前吏部左侍郎姚弘謨卒字 浙江秀水人嘉靖癸

丑進士選編修言事降六安州判官旋遷留曹歷藩臬入為  
南太常少卿領祭酒陟禮吏二部侍郎致仕予祭塋贈禮部



尚書

庚子寧夏標兵叅將亨拜年六十以副總兵銜致仕許其子承恩襲都指揮使從巡撫梁問益請也拜故降虜屢立戰功得授寧夏衛世都指揮使

辛丑南鴻臚寺卿王鑑致仕進太僕寺卿

壬寅南太僕寺卿朱天球為南大理寺卿太常寺卿李尚思為右副都御史巡撫四川廣東左布政使蔡汝賢為右副都御史巡撫廣西

癸卯遼東盖州衛地震三日

甲辰太僕寺卿徐元春為太常寺卿

乙巳光祿少卿艾穆為南鴻臚寺卿順天府丞郭東為南太僕寺卿

李茂犯樂會

南御史方萬策御史林可成各劾吏部右侍郎徐顯卿擠張位沈一貫等退李長春韓世能改南及結大賈媚大璫淫賄不法旨下吏部顯卿疏辨


丁未右通政盧維楨為太僕寺卿

三月戊申朔李茂犯樂同復還文昌

國權

萬曆十七年

七





巳酉太常少卿邵仲祿為右通政

辛亥改折廬鳳淮揚去年田租

壬子復薊鎮夷小阿卜戶猛可真等市賞

戶科給事中李獻可請裁發章奏不報

戊午戶部以河南不宜稻潞王歲祿徵粳米四千石餘六千

石每石折銀九錢從之

乙未協理京營戎政兵部尚書傅希摯致仕進太子少保

光祿寺丞王汝訓為尚寶少卿

脩南倉廩

辛酉鉄嶺衛平頂山等處旗端生火

脩撰楊起元為司業

壬戌策貢士湯賓尹等三百四十七人賜焦珌等進士出身

有差


癸亥雲南騰衝衛姚安二營兵大譁自兵罕之亂騰永始募

兵設騰姚兩營劉綎將騰鄧子龍將姚而不相能兵相角綎

奪祿被逮子龍以副搃兵兼統之二營頗安半載後復隙暨

用師隴川椎牛享士姚倍于騰姚兵又意凌之多不堪又歲

豐利給銀仍給米亡何訛言起子龍罷于是騰兵欲散兵備



姜忻撫定之子龍還姚營姚兵索餉洵子龍欲俟騰營散  
乃散衆遂大呼殺掠闖至永昌城門盡閉

乙丑蓋州衛風霾

丙寅潞王翊鏐之國上御皇極門降席臨陛目送之

戊辰福州府地震

己巳摠督宣大兵部尚書太子太保兼左副都御史鄭洛協  
理京營戎政

虜犯義州才二三十騎掠井家溝而出次日復入太平堡把  
摠朱永壽追之至賈家庄值虜二百餘殊死戰又虜四五百

西北至永壽及指揮潘應商敗沒

辛未逐京城山人游客以巡城御史陳汴言逮周訓張仰薇  
等十人下法司論罪

壬申兵部右侍郎蕭大亨為右都御史兼官如故摠督宣大

山西軍務

癸酉許禮部右侍郎張位辭召

甲戌予定遠侯鄧世棟祭墓

乙亥巡撫山西沈子木為兵部左侍郎


巡撫浙江右副都御史滕伯輪卒字

甌寧人嘉靖戊戌

國權

萬曆十七年

九



知番禺歷浙江提學副使尋輪叅政平羅旁功擢南右僉都御史提督操江加副都御史鎮浙贈兵部左侍郎予祭塋雖三品未滿以海上功故得全典

丙子命順天尹禱雨

四月丁丑朔 上享太廟

戊寅山西左布政使李采菲為右副都御史巡撫山西


己卯廣東海盜李茂陳德樂等先告撫復叛因捕之叅將陳君仁楊友桂等各利其貨縱去賊渡海破清瀾城又犯潮州陵水

癸未叙雲南羅雄功初龍速等作亂討定之擒斬千計

甲申姚安卒叛入雲南道掠走楊林黔國公沐昌祚巡撫蕭彥追斬八十四級捕六百八十人土同知祿華誥擊斬五人

回詐降明日突出寧州武定臨安雲南尋甸兵夾攻之

瞿九思曰三長不明擢士為相蠻夷不恭拔卒為將信哉是言也鄉兵黔南所自有而獨以莊兵土兵羅兵番兵聞今上即位以來威暢六詔幸而無所大用武鈇鎗箐之戰臨安之戰緬甸之戰皆西南大事也金騰姚安昔用爾以破滅夷今不免用夷以破滅爾豈以為而將軍微獨忘



我耶不然何其敢于叛也

乙酉妖僧李員朗伏誅員朗于廣東始興縣謀亂

庚寅右通政黃克念致仕

乙未沅陵王薨亡子謚

邵仲祿徐一楨為左右布政

丙申以漳州人販海通倭定東西二洋各派船四十四艘

丁酉予故兵部左侍郎吳嘉會祭墓

四川提兵官李應祥冒餉劾免賄巡按御史傅需千金

戊戌免經筵

順義王捨力克上摠督鄭洛書云送西番僧葬喪乞假道甘

肅仍市賞兵部酌議從之

己亥予故刑部左侍郎陳瓚祭墓贈右都御史瓚字直

隸獻縣人嘉靖丁未進士


禮部尚書兼東閣大學士王家屏直閣

庚子復故戶部尚書張守直官予祭墓

壬寅大學士王錫爵請視朝建儲報聞

南兵部主事周弘禴上言乞採朝論九章奏政務俱賜省臺

發冊立大事尤宜獨斷不報



癸卯郭邦楨嗣成安伯

甲辰封荆世子由樊周世子恭枵

乙巳晉府寧河王知鈞歸政于晉王初王幼攝府事

丙午提督京城巡捕史綱為總兵官鎮守四川

五月丁未朔順義王捨力克自多羅土蠻以送西僧葬移帳而

西各部落從之取道甘肅

戊申太常寺卿徐元春致仕

脩南京武英殿大庖

己酉都督僉事任大同提督京城巡捕

庚戌薊鎮首幹多羅忽悔罪獻逆夷七人輸馬

辛亥尚寶司卿孟秋卒字我疆山東茌平人隆慶辛未進士

令昌黎進大理評事轉主部主事領山海關坐忤外補尋薦

起刑部主事歷員外郎尚寶丞進卿洵旬而卒篤學力行志


于聖道年六十五所著二明一脉明儒經翼等書行世

西寧衛天夜鳴地震越七日復震

右僉都御史傅孟春巡撫浙江延綏巡撫梅友松為兵部左

侍郎兼右僉都御史總督陝西三邊軍務

南吏部尚書楊成為南兵部尚書



六月丁丑南刑部尚書陸光祖改南吏部尚書提督南贛汀漳

軍務右僉都御史秦耀改巡撫湖廣

刑部左侍郎何源論罷

雲南副總兵鄧子龍免

己卯南兵部右侍郎王世貞為南刑部尚書

庚辰偉嬪耿氏薨

孫允恭嗣應城伯

大理右少卿王敬民為右僉都御史巡撫南贛汀漳南大理

寺卿朱天球為南刑部右侍郎

辛巳予故總督浙直軍務少保兼太子太保兵部尚書胡宗

憲祭葬

石峽水泉堡天鼓鳴响如雷是夕滄州靜海吳橋諸鎮驟風

漕舡互擊溺二十二人失米三千一百五十七石

壬午吳定韓國楨為大理左右少卿

癸未應天府尹張櫟為大南理寺卿

密雲草場火郎中孫瑀奪俸二月


孫鑰李戴為刑部左右侍郎戴尋巡撫山東南提督操江右

副都御史王用汲為南兵部右侍郎

國權

萬曆十七年

十三



甲申浙江颶風大發沿海潮溢壞廬舍人畜亡美

南吏部右侍郎趙志臬上言臣近歲以少詹事侍朝講恭親天顏和粹稍有不豫一養旋復何自冬相沿至今也得非衽席之愛不能割麩藥之好不能免乎有一于此足耗元氣皇上行之有節而不沉溺則元氣自充矣然人心必有所寄宋儒真德秀曰惟學可以養斯心惟親近君子可以維持此心願 皇上日臨講幄講完義理如常朝召公卿商確庶政則聖心日清宸躬強固矣報聞

上久不朝南北諸臣多罪張鯨吏部尚書楊巍等太常寺卿趙世卿等俱請御朝俱報聞

丙戌予故南工部尚書曹亨祭墓亨河南新蔡人嘉靖己未進士

丁亥刑科給事中劉為楫言四事聖躬保護宜慎內使閱防宜嚴諸司章奏宜覈法令督責宜信 上責其瀆擾

御史董子行乞示朝講之期以慰中外不報  
戊子薊鎮旱給糧三萬石

戶科都給事中王繼先等請以山東山西河南真順廣大見銀及存餘事例等銀糴穀備賑從之令各處寔奏

